

# Faafeiloai atu mai Estonia!



O ma'ua o Margo ma Paolo. O le tausaga lenei o loo ma malaga taamilo ai i le lalolagi e aoao e uiga fanau a le Atua. Faatasi mai ma i ma'ua a o ma asiasi i Estonia!



O Tallinn lenei, le taulaga o Estonia. Ua i ai nei mo le 800 tausaga! O Estonia e i ai le tele o vaomatua, e pei o togavao ma taufusi. O le mea moni, e sili atu i le afa o Estonia e ufitia i le vaomatua. E toatele tagata i Estonia e fiafia i le fa'aluina o taimi i fafo.



O le "talofa" lenei faaEstonia:

Tere!

Ma o le ta'uina lenei o le igoa o le Ekalesia:

Viimse Aja Pühade Jeesuse Kristuse Kirik



O Estonia o lo'o i Europa i matu. E silia ma le 2,000 motu. E tusa ma le 1.3 miliona tagata e nonofo i Estonia.



O le a le taumafataga o le afiafi i Estonia? Atonu o le fasi puua po o le i'a ma pateta, kapisu, kulimi oona, ma le falaoa uliuli. O se taumafa e faaigoaina o le sanuisi ia.



O le Ekalesia i Estonia e laitiiti ae malosi. E tusa ma le afe tagata o le Ekalesia. O lo latou malumalu pito lata ane o Helsinki, Finelani.



E te fiafia e pese i le Peraimeri? I tausaga tai lima uma lava, e potopoto ai Estonia i se tausamiga tele e faamanatu ai lo latou atunuu i pesepesega ma siva.

**E te sau mai Estonia? Tusi mai ia i matou! Ma te fiafia lava e faalogo atu ia te oe.**

Faafetai mo le asiasia o Estonia ma i ma'ua. Feiloai i se isi taimi!



## Feiloai mai i se uso teine mai Estonia!



I se tasi po ina ua ou manao ou te alu e moe, sa leiloa ai la'u meatalo o le pea. Sa ou suea ae sa le mafai ona ou mauaina. Sa ou tatalo. Ona ou mauaina lea o la'u pea ma faia ni miti lelei.

**Biaka J., 7 tausaga**



O le matou aiga e fiafia e auaina atu i isi. O le auaina atu i isi e fesoasoani ia i tatou e lagonaina le Agaga Paia, lea na te aumaia se lagona mafanafana o le filemu ia i matou. Matou te faia ma o'u uso ni meaalofa mo isi aua matou te mananao latou te lagonaina le alofagia.

**Piibe J., 10 tausaga**